

Ireo Zanakalahin'i Jakoba

GENESISY TOKO 37

NANAO RATSY NY ZANAK'I JAKOBA FOLO LAHY INDRAY MANDEHA, REHEFA NIANDRY NY ONDRIN'NY DADANY TANY KANANA.

NODY TANY AN-TRANO ÀRY I JOSEFA, ZANANY ALOHAN'NY FARANY, KA NANDAZA AN'IREO ZOKINY TANY AMIN'NY DADANY.

BE HERIM-PO IANAO ANAKA NILAZA IZANY TAMIKO. TENA FALY AHO AMIN'IZANY! ITY MISOY AKANJO TSARA TAREHY NAMPANAMBOARIKO HO ANAO.

MBOLA TSY NOMENY AKANJO TSARA TAREHY IZANY MIHITSY AHO!

HOATRAN'NY HOE I JOSEFA IHANY NO OLONA!

IANGARAN'I DADA I JOSEFA!

JEREO ANGE E!

TSY TIAKO MAIZINA INY!

NANONOFY I JOSEFA, TATY AORIANA.

NANANGONA AMBOARA TANY AN-TSAHA ISIKA, DIA NITSANGANA TAMPOKA NY AMBOARAKO.

DIA NANODIDINA NY AMBOARAKO NY AMBOARANAREO, AVY EO, ARY NIANKOHOKA TEO ANOLOAN'NY AMBOARAKO.

DIA HANJAKA AMINAY IZANY IALAHY?

FA MIHEVITRA AN'IALAHY HO IZA IALAHY E?

NANONOFY INDRAY I JOSEFA.

... ARY NIANKOHOKA TEO ANATREHAKO NY MASOANDRO SY NY VOLANA ARY NY KINTANA 11.

TSY ZAKAKO INTSONY IZAO KA!

AIZA VE DIA IZY FOANA NO MISONGADINA ISAKY NY MANONOFY IZY!

TE HILAZA VE IANAO RY JOSEFA HOE HIANKOHOKA EO ANATREHANAO DAHOLO IZAHAY SY NY RENINAO ARY NY RAHALAHINAO?

ARY SAO DIA TE HILAZA ZAVATRA AMINAY ARY I JEHOVAH...

TATY AORIANA...

JOSEFA A, NIRAHIKO HIANDRY NY ONDRIKO NY RAHALAHINAO. MANDEHANA MBA TADIAVO RY ZAREO, DIA JEREO RAHA TSY MISY MANINONA IZY SY NY ONDRY.

ENY RY DADA A!

INY FA TAMY ILAY MPANONOFY!

ANDAO HOVONONTSIKA IZY DIA HATSIPINTSIKA AO ANATY LAVAKA.

DIA INONA NO HOLAZAINTSIKA AMIN'I DADA?

HATAONTSIKA HOE LANIN'NY BIBIDIA IZY.

AZA MIKASI-TANANA AZY FA ATSIPAZO AO ANATY LAVAKA IZY.

NIARO AZY ANEFA I ROBENA LAHIMATOAN'I JAKOBA.

TSY TOKONY HOVONONTSIKA IZY.

AMIN'IZAY DIA HO VITA HATREO NY NOFINY!

HOVONJEKO IZY AVY EO DIA HOENTIKO MODY.

NAMIDIN'NY RAHALAHINY ANEFA I JOSEFA KA TSY AFAKA NAMONJY AZY I ROBENA.

IRENY MISY MPIVAROTRA HO ANY EJIPTA!

ANDAO HAMIDINTSIKA AMIN'IRENY I JOSEFA MBA HO ANDEVO. HOATRAN'NY HOE MATY IHANY IZY AMIN'IZAY!

NIVERINA TEO AMIN'NY RAHALAHINY I ROBENA ARY HITANY FA TSY TAO INTSONY I JOSEFA.



INONA IZAO NO HOLAZAIKO AMIN'I DADA?



TSY AO INTSONY NY ZAZA! FA NATAONAREO INONA IZY?

AZA MATAHOTRA ROBENA A! AO FA HAMORON-DAINGA ISIKA...



... DIA NAHITA AN'ITY AKANJO ITY IZAHAY.

AKANJON'I JOSEFA ITY! NOHANIN'NY BIBIDIA IZANY I JOSEFA!

INONA NO IANARANTSIKA AVY AMIN'NY ZANAKALAHIN'I JAKOBA?

NAHOANA NO **NALAZAN'**I JOSEFA TANY AMIN'NY DADANY IREO RAHALAHINY REHEFA NANAQ RATSZY? *LEVITIKOSY 5:1.*

NAHOANA NO **TSY TIA** AN'I JOSEFA NY ZOKINY SADY **NANDAINGA** TAMIN'NY DADANY? *JAKOBA 3:14.*

AHOANA NO TOKONY HATAONAO REHEFA MAHAZO ZAVATRA **TIANAO** HANANANA NY IRAY TAM-PO AMINAO NA NY NAMANAO? *ROMANINA 12:15; 1 PETERA 1:22.*



MATY NY ZANKO!

TSY MATY ANEFA I JOSEFA...

HO HITANTSIKA AO AMIN'NY TANTARA AN-TSARY MANARAKA NY ZAVA-NITRANGA TAMINY TANY EJIPTA.